

Carl Sargeant AC / AM
Ysgrifennydd y Cabinet dros Gymunedau a Phlant
Cabinet Secretary for Communities and Children




Y Pwyllgor Cydraddoldeb, Llywodraeth Leol a Chymunedau
Equality, Local Government and Communities Committee
ELGC(5)-13-17 Papur 4/ Paper 4

Llywodraeth Cymru
Welsh Government

Ein cyf/ Our ref: MA (P) CS 0634 17

John Griffiths AC
Cadeirydd
Pwyllgor Llywodraeth Leol a Chydraddoldeb
Cynulliad Cenedlaethol Cymru

 Mawrth 2017

Annwyl John

Pan ymddangosais gerbron y Pwyllgor ar 16 Chwefror cynigiais ddarparu nodyn ysgrifenedig yn ymateb i rai o gwestiynau'r Pwyllgor. Hyderaf y bydd nodyn isod a'r tri Atodiad sydd ynghlwm yn egluro'r materion penodol dan sylw.

1) Nodyn am y data a ddefnyddir i werthuso llwyddiant Cymunedau yn Gyntaf ac i lywio'r cyfnod pontio a'r ymagwedd newydd, gan gynnwys y dangosyddion a ddefnyddir ar hyn o bryd a'r dangosyddion ar gyfer y dyfodol.

Ers ei ail-lansio fel rhaglen trechu tlodi yn 2012, mae Cymunedau yn Gyntaf wedi cael ei monitro drwy ddefnyddio fframwaith Atebolwydd Seiliedig ar Ganlyniadau (RBA). Mae'r fframwaith yn cynnwys tri nod cyffredinol er mwyn cau'r bwlch rhwng y cymunedau mwyaf a lleiaf di-fraint yng Nghymru o ran: ffyniant/cyflogaeth, iechyd, a dysgu/sgiliau. Mae fframwaith canlyniadau presennol Cymunedau yn Gyntaf yn cynnwys 22 o ddangosyddion poblogaeth a 101 o ddulliau mesur perfformiad. Bydd y dangosyddion poblogaeth yn cael eu paratoi gan Lywodraeth Cymru ar sail amrywiaeth o ffynonellau data ar lefel genedlaethol (e.e. yr Adran Gwaith a Phensiynau, y Swyddfa Ystadegau Gwladol a Iechyd Cyhoeddus Cymru). Mae'r Cyrff Cyflawni Arweiniol wedi cyflwyno adroddiadau chwarterol am ddata mesur perfformiad.

Wrth asesu effeithiolrwydd Cymunedau yn Gyntaf o ran mynd i'r afael â thlodi, defnyddiwyd nifer o ffynonellau tystiolaeth (gweler atodiad 1) gan gynnwys:

- adolygiad o werthusiadau o raglen Cymunedau yn Gyntaf (yn fwyaf diweddar 'Gwerthuso Proses' Ipsos Mori/Wavehill (2015));
- dadansoddi gwybodaeth rheoli perfformiad data a gedwir gan Lywodraeth Cymru; a

Bae Caerdydd • Cardiff Bay
Caerdydd • Cardiff
CF99 1NA

Canolfan Cyswllt Cyntaf / First Point of Contact Centre:
0300 0604400

Gohebiaeth.Carl.Sargeant@llyw.cymru
Correspondence.Carl.Sargeant@gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

- dadansoddi data am dlodi (e.e. data MALLC, cyflogaeth ac incwm).

Er bod y data'n dangos bod Cymunedau yn Gyntaf wedi cael rhywfaint o lwyddiant wrth wella canlyniadau ar lefel yr unigolyn (e.e. niferoedd "a gafodd gymorth i gael gwaith"), ni lwyddodd gymaint i sicrhau newid ar lefel genedlaethol neu ar lefel ardal neu o leiaf ni welwyd tystiolaeth o'r llwyddiant hwnnw. Fel yr amlygwyd gan Old Bell 3 yn eu gwerthusiad yn 2011, mae'n anodd priodoli canlyniadau i unrhyw un rhaglen yn benodol.

Gwerthuso prosiectau trosiannol Cymunedau yn Gyntaf 2017/18

Gwaith y sawl sy'n cael cyllid fydd monitro perfformiad ar sail canlyniadau a bennir yn lleol. Mae yna ddisgwyliad clir, wrth ymateb i'r nodau llesiant, y dylai'r sawl sy'n cael cyllid gyflwyno adroddiad am ganlyniadau ar sail Dangosyddion Cenedlaethol Cymru.

Data i Lywio'r Dull Newydd

Llywiwyd dull newydd y byddwn yn ei ddefnyddio gyda golwg ar gymunedau cydnerth drwy gynnal ymarfer ymgysylltu eang â rhanddeiliaid. Roedd hyn yn cynnwys y canlynol:

- Lanswyd arolwg ar-lein, "Trafod Cymunedau" ar 24 Hydref 2016. Cafwyd mwy na 2,300 o ymatebion ar-lein. Cyflwynwyd 863 ymateb arall i'r broses ymgysylltu drwy ddulliau heblaw'r arolwg ar-lein (e.e. llythyrau a negeseuon e-bost).
- Cynhaliodd Cyngor Gweithredu Gwirfoddol Cymru y grwpiau ffocws ar ein rhan gyda staff Clystyrau Cymunedau yn Gyntaf, defnyddwyr gwasanaethau a phobl â nodweddion gwarchodedig. Cynhaliwyd cyfarfodydd bwrdd crwn gyda sefydliadau'r Trydydd Sector.
- Cynhaliwyd dau grŵp ffocws hefyd gydag aelodau o'r cyhoedd i archwilio ac i gasglu barn am sut orau y gallwn gefnogi cymunedau cydnerth.

Cynigiwyd y cyfle i bob awdurdod lleol a phob Bwrdd Gwasanaethau Cyhoeddus ddod i gyfarfod wyneb yn wyneb. Cynhaliwyd cyfarfodydd gyda 15 awdurdod lleol a 7 Bwrdd Gwasanaethau Cyhoeddus.

2) Y ffigurau bras ar gyfer sut y dosberthir cronfa etifeddol Cymunedau yn Gyntaf rhwng awdurdodau lleol ac egluro'r dadansoddiad a ddefnyddiwyd i gyrraedd y ffigurau hyn

Yn ystod yr ymarfer ymgysylltu diweddar soniodd rhanddeiliaid am yr effaith y gallai dirwyn prosiectau Cymunedau yn Gyntaf i ben yn raddol ei chael. Yn ogystal â mynd ati i newid y trefniadau fesul cam, penderfynwyd darparu cyllid i helpu i adeiladu gwaddol cryf yn sgil Cymunedau yn gyntaf. Bydd y cyllid etifeddol yn golygu bod modd i Awdurdodau Lleol gadw rhai o'r prosiectau Cymunedau yn Gyntaf gorau a'r rhai sydd wedi bod fwyaf effeithiol.

Bydd y Gronfa Etifeddol, gwerth £6m y flwyddyn ar ffurf grant penodol a rennir ar draws 9 ardal yr awdurdodau lleol hynny lle mae ôl-troed Cymunedau yn Gyntaf i'w weld yn awr. Ar gyfer 2018/19 a 2019/20, rhennir y cyllid mewn ffordd sy'n gymesur â chyllidebau presennol Cymunedau yn gyntaf. Yn Atodiad 2, gwelir cyllid Cymunedau yn Gyntaf, fesul Corff Cyflawni Arweiniol, ar gyfer blwyddyn bontio 2017-18 a swm dangosol y Cyllid Etifeddol ar gyfer 2018-19 a 2019-20. Ar gyfer 2020-21, bydd Llywodraeth Cymru yn ystyried treiglo'r gronfa hon i'r grant cynnal refeniw.

3) Strwythurau adrodd y dangosyddion statudol sydd yn Neddf Llesiant Cenedlaethau'r Dyfodol (Cymru)

Gosodwyd y Dangosyddion Cenedlaethol i fesur cynnydd ar sail saith nod llesiant Deddf Llesiant Cenedlaethau'r Dyfodol (Cymru) 2015 gerbron Cynulliad Cenedlaethol Cymru ym mis Mawrth 2016. Bydd y 46 dangosydd yn galluogi Llywodraeth Cymru, Aelodau'r Cynulliad ac unrhyw ddinesydd yng Nghymru i weld pa gynnydd sy'n cael ei wneud ar lefel Cymru o ran cyflawni'r saith nod llesiant.

Adroddir am y cynnydd ar sail y saith nod llesiant drwy'r dangosyddion cenedlaethol mewn Adroddiad Llesiant Blynyddol ar gyfer Cymru a bydd hwnnw'n cael ei osod gerbron Cynulliad Cenedlaethol Cymru ar ôl pob blwyddyn ariannol. Cyhoeddir Adroddiad Llesiant Blynyddol Cymru yn unol â'r Cod Ymarfer ar gyfer Ystadegau Swyddogol. Bwriedir cyhoeddi'r adroddiad blynyddol cyntaf yn haf 2017.

4) Perfformiad Cymru wrth fynd i'r afael â thlodi o'i chymharu â gwledydd eraill – yr Alban yn benodol

Adeg datganoli, roedd cyfrannau tebyg o bobl mewn tlodi incwm cymharol yn yr Alban ac yng Nghymru. Fodd bynnag, yn ystod y degawd diwethaf mae'r bwlch rhwng y ddwy wlad wedi lledu a'r gwahaniaeth wedi aros yn 5 pwynt canran er 2009. Ar draws pedair gwlad y Deyrnas Unedig, yng Nghymru mae'r gyfran uchaf o bobl mewn tlodi incwm cymharol ac yn yr Alban y mae'r gyfran isaf (tabl yn Atodiad 3).

A siarad yn gyffredinol, bydd cymwysterau uwch yn denu cyflogau uwch. Mae'r "cynnydd" mewn enillion sy'n gysylltiedig â chymwysterau uwch yn gymharol debyg ni waeth ymhle y bydd unigolyn yn byw, ai yng Nghymru ynteu mewn rhan arall o'r Deyrnas Unedig. Hefyd, mae'r dystiolaeth yn dangos bod cysylltiad cryf rhwng cyflogaeth a lefelau cymwysterau.

Mae proffil cymwysterau oedolion o oedran gweithio yn yr Alban yn gryfach na phroffil Cymru a rhannau eraill o'r Deyrnas Unedig. Mae'r data diweddaraf o 2015 yn dangos bod gan gyfran uwch o bobl o oedran gweithio yng Nghymru gymwysterau is na lefel 2 (14 o'i gymharu ag 11 y cant yn yr Alban), a bod gan gyfran is gymwysterau lefel 4 neu uwch (lefel AU) (36 o'i gymharu â 46 y cant yn yr Alban)¹. Mae'r dystiolaeth hefyd yn awgrymu bod gan yr Alban broffil sgiliau gwell nag sydd gan Gymru. Mae hyn wedi cyfrannu at fwy o weithgarwch economaidd a llai o waith sy'n talu'n wael.

Mae'r data am bobl ifanc nad ydynt mewn gwaith, addysg na hyfforddiant, yn dangos bod cyfradd y bobl ifanc 19-24 yn y grŵp hwn yn yr Alban yn is na'r gyfradd yng Nghymru.

Mae ffactorau eraill hefyd yn debygol o ddylanwadu ar lefelau tlodi ar hyn o bryd. Rydym yn gwybod bod gweithio'n amddiffynfa gref rhag byw ar aelwyd incwm isel. Mae canran yr aelwydydd di-waith yn yr Alban wedi tueddu i fod yn is na'r gyfran yng Nghymru er 1996 Mae perygl arbennig i'r rhain fyw mewn tlodi. Fodd bynnag, mae hyn wedi newid yn y cyfnod diweddaraf. Yn 2015 ac yn 2016 roedd canran yr aelwydydd di-waith fymryn yn is yng Nghymru na'r ganran yn yr Alban (tabl yn atodiad 3)



Carl Sargeant AC / AM

Ysgrifennydd y Cabinet dros Gymunedau a Phlant
Cabinet Secretary for Communities and Children

Adolygiadau a Gwerthusiadau o raglen Cymunedau yn Gyntaf

2003

Adolygiad o raglen Cymunedau yn Gyntaf a gynhaliwyd gan y Dirprwy Weinidog dros Gyfiawnder Cymdeithasol ac Adfywio

2006

Cyhoeddodd Cambridge Policy Consultants adroddiad terfynol ar werthusiad interim Cymunedau yn Gyntaf

Cambridge Policy Consultants, SOLAR, Arwel Jones ac Ati ac IPSOS MORI (2006). *Gwerthusiad interim Cymunedau yn Gyntaf: Crynodeb o Gasgliadau ac Argymhellion*. Caerdydd: Llywodraeth Cynulliad Cymru.

<http://gov.wales/docs/caecd/research/060920-communities-first-interim-evaluation-conclusion-recommendations-cy.pdf>

2008

Gwerthusiad o Gronfa Ymddiriedolaeth Cymunedau yn Gyntaf.

Wavehill Consulting. (2008). *Gwerthusiad o Gronfa Ymddiriedolaeth Cymunedau yn Gyntaf*. Caerdydd: Llywodraeth Cynulliad Cymru.

<http://gov.wales/docs/caecd/research/080201-communities-first-trust-fund-cy.pdf>

2009

Adroddiad Swyddfa Archwilio Cymru.

Swyddfa Archwilio Cymru. (2009). *Cymunedau yn Gyntaf*. Caerdydd: Swyddfa Archwilio Cymru.

https://www.webarchive.org.uk/wayback/archive/20090805103031/http://www.wao.gov.uk/assets/welshdocuments/Communities_First_cym.pdf

2010

Adolygiad annibynnol o raglen Cymunedau yn Gyntaf gan Sefydliad Joseph Rowntree.

Sefydliad Joseph Rowntree. (2010). *Regenerating Communities First Neighbourhoods in Wales*. York: Sefydliad Joseph Rowntree.

<https://www.jrf.org.uk/file/40608/download?token=4AD-t4Zs&filetype=full-report>

Asesiad gan yr Athro Adamson (Prifysgol Morgannwg) o effaith polisiâu adfywio sy'n seiliedig ar ardal ar brofiad byw mewn tloedi yn Lloegr, yr Alban, Gogledd Iwerddon a Chymru yn dilyn datganoli ym 1997 sy'n cynnwys cyfeiriadau at raglen Cymunedau yn Gyntaf.

Adamson, D. (2010). *The impact of devolution: Area-based regeneration policies in the UK*. York: Joseph Rowntree.

<http://www.jrf.org.uk/sites/default/files/jrf/migrated/files/impact-of-devolution-area-regeneration.pdf>

Cynulliad Cenedlaethol Cymru, y Pwyllgor Cyfrifon Cyhoeddus.

Cynulliad Cenedlaethol Cymru, y Pwyllgor Cyfrifon Cyhoeddus. (2010).

Cymunedau yn Gyntaf. Caerdydd: Cynulliad Cenedlaethol Cymru.

<http://www.assembly.wales/Laid%20Documents/CR-LD7923%20-%20Public%20Accounts%20Committee%20Report%20on%20Communities%20First-22022010-168311/cr-ld7923-Cymraeg.pdf>.

2011

Gwerthusiadau o brosesau a Chanlyniadau gan Amion Consulting ac Old Bell 3.

Amion Consulting ac Old Bell 3. (2011). *Gwerthuso Cymunedau yn Gyntaf (adroddiad llawn)*. Caerdydd: Llywodraeth Cymru.

<http://gov.wales/docs/caecd/research/110913-evaluation-communities-first-cy.pdf>

2012

Cymunedau yn Gyntaf: Adroddiad Llinell Sylfaen 2012, Llywodraeth Cymru

Llywodraeth Cymru. (2012). *Cymunedau yn Gyntaf: Llinell Sylfaen 2012*.

Caerdydd: Llywodraeth Cymru.

2014

Ystadegau llinell sylfaen diwygiedig gan Lywodraeth Cymru.

Llywodraeth Cymru. (2014). *Cymunedau yn Gyntaf: Llinell Sylfaen 2012 (Diwygiedig)*. Caerdydd: Llywodraeth Cymru

<http://gov.wales/docs/statistics/2015/151117-communities-first-2012-baseline-revised-cy.pdf>

2015

Gwerthusiad o'r broses gan Ipsos MORI a Wavehill Consulting

Ipsos MORI a Wavehill Consulting. (2015). *Cymunedau yn Gyntaf:*

Gwerthusiad o'r Broses. Caerdydd: Llywodraeth Cymru.

<http://gov.wales/docs/caecd/research/2015/150226-communities-first-process-evaluation-cy.pdf>

2016.

Gwerthusiad o flwyddyn beilot y Rhaglen Ardaloedd Arloesi mewn ardaloedd

Cymunedau yn Gyntaf gan Amgueddfa Cymru.


Amgueddfa Cymru. (2016). *Gwerthusiad o flwyddyn beilot y Rhaglen Ardaloedd Arloesi*. Caerdydd: Llywodraeth Cymru.

<http://gov.wales/docs/caecd/research/2016/160303-pioneer-area-programme-pilot-year-cy.pdf>

Atodiad 2


Dyraniadau Cymunedau yn Gyntaf, 2017-18 a Dyraniadau Dangosol Cronfa Waddol 2018-19 a 2019-2020

Ardal Awdurdod Lleol	2017-18	Dyraniadau Dangosol Cronfa Waddol 2018-19 a 2019-20
Ynys Môn	£463,540	£125,015
Blaenau Gwent	£1,722,173	£464,465
Pen-y-bont ar Ogwr	£1,216,822	£328,173
Caerffili	£2,031,411	£547,867
Caerdydd	£2,088,866	£563,361
Sir Gaerfyrddin	£406,005	£109,498
Conwy	£406,267	£109,569
Sir Ddinbych	£466,214	£125,737
Sir y Fflint	£473,421	£127,680
Gwynedd	£403,673	£108,869
Merthyr Tudful	£1,321,975	£356,534
Castell-nedd Port Talbot	£1,579,220	£425,911
Dinas Casnewydd	£1,674,071	£451,492
Sir Benfro	£412,054	£111,130
Rhondda Cynon Taf	£3,395,018	£915,627
Abertawe	£1,991,368	£537,067
Torfaen	£911,716	£245,887
Bro Morgannwg	£406,645	£109,671
Wrecsam	£876,713	£236,447
Cyfanswm Dyfarniadau'r Clystyrau	£22,247,172	£6,000,000



Poverty comparison tables

Poverty – comparison between Wales and Scotland



Source: Households Below Average Income, DWP

Percentage of workless households

	Wales	Scotland
<i>Per cent</i>		
April-June 1996	24.7	23.5
April-June 1997	23.4	23.3
April-June 1998	25.2	23.1
April-June 1999	24.2	22.7
April-June 2000	23.8	22.4
April-June 2001	25.1	21.3
April-June 2002	24.4	21.7
April-June 2003	21.4	19.7
April-June 2004	20.9	20.4
April-June 2005	21.5	20.2
April-June 2006	20.4	19.6
April-June 2007	20.8	17.5
April-June 2008	19.8	18.4
April-June 2009	22.0	20.5
April-June 2010	22.9	22.6
April-June 2011	19.8	19.9
April-June 2012	21.7	20.6
April-June 2013	20.3	19.5
April-June 2014	18.8	17.5
April-June 2015	17.2	17.9
April-June 2016	15.9	17.2

Tablau cymharu tlodi

Tlodi – cymharu Cymru a'r Alban

Canran y bobl mewn tlodi cymharol o ran incwm (ar ôl costau tai) yng Nghymru a'r Alban o 1998 i 2015
Cymru
Yr Alban
please change 'to' between the numbers to 'i' eg – 98-99 i 00-01

Ffynhonnell: Cartrefi Islaw'r Incwm Cyfartalog, yr Adran Gwaith a Phensiynau

Canran yr aelwydydd heb waith

	Cymru	Yr Alban
<i>Y cant</i>		
Ebrill-Mehefin 1996	24.7	23.5
Ebrill-Mehefin 1997	23.4	23.3
Ebrill-Mehefin 1998	25.2	23.1
Ebrill-Mehefin 1999	24.2	22.7
Ebrill-Mehefin 2000	23.8	22.4
Ebrill-Mehefin 2001	25.1	21.3
Ebrill-Mehefin 2002	24.4	21.7
Ebrill-Mehefin 2003	21.4	19.7
Ebrill-Mehefin 2004	20.9	20.4
Ebrill-Mehefin 2005	21.5	20.2
Ebrill-Mehefin 2006	20.4	19.6
Ebrill-Mehefin 2007	20.8	17.5
Ebrill-Mehefin 2008	19.8	18.4
Ebrill-Mehefin 2009	22.0	20.5
Ebrill-Mehefin 2010	22.9	22.6
Ebrill-Mehefin 2011	19.8	19.9
Ebrill-Mehefin 2012	21.7	20.6
Ebrill-Mehefin 2013	20.3	19.5
Ebrill-Mehefin 2014	18.8	17.5
Ebrill-Mehefin 2015	17.2	17.9
Ebrill-Mehefin 2016	15.9	17.2

Carl Sargeant AC / AM
Ysgrifennydd y Cabinet dros Gymunedau a Phlant
Cabinet Secretary for Communities and Children



John Griffiths AC
Cadeirydd y Pwyllgor Cydraddoldeb a Llywodraeth Leol
Cynulliad Cenedlaethol Cymru

Llywodraeth Cymru
Welsh Government

Annwyl 

 Ebrill 2017


Diolch am eich llythyr dyddiedig 28 Mawrth am drefniadau cyllido Cymunedau yn Gyntaf.

Mae fy swyddogion yn cysylltu'n gyson â Chyrff Cyflawni Arweiniol Cymunedau yn Gyntaf, ac yn gweithio'n agos â hwy. Cynhaliwyd cyfarfodydd yn y Gogledd a'r De i drafod fersiwn ddrafft y Canllawiau Pontio a Strategaeth Cymunedau, a oedd yn cynnwys manylion y trefniadau cyllido o 1 Ebrill 2017 ymlaen. Mae copi o'r canllawiau terfynol, sy'n adlewyrchu sylwadau'r Cyrff Cyflawni Arweiniol, wedi'u hatodi. Yn naturiol, bydd fy swyddogion yn parhau i gefnogi Cyrff Cyflawni Arweiniol drwy gydol y cyfnod pontio.

O ran cyllid Cymunedau yn Gyntaf ar gyfer 2017-18, gallaf gadarnhau bod y Cyrff Cyflawni Arweiniol wedi cael cynnig cyllid refeniw o 70% (yn seiliedig ar ddyraniad 2016-17) ar gyfer y flwyddyn ariannol sy'n dod i ben ar 31 Mawrth 2018. Mae'r cyllid yn cynnwys y cyllid 100% ar gyfer cyfnod Ebrill i Mehefin 2017, yn unol â'r gwarant gynharach o gyllid. Mae Cyrff Cyflawni Arweiniol wedi cael hyblygrwydd i benderfynu sut i broffilio cyllid y flwyddyn i gefnogi eu blaenoriaethau lleol, ar sail y ddealltwriaeth glir na fydd cyllid Cymunedau yn Gyntaf ar gael ar ôl 31 Mawrth 2018. Mae pob Corff Cyflawni Arweiniol wedi cael cadarnhad ffurfiol o'u dyraniad ar gyfer y flwyddyn ariannol sydd i ddod, ac maent wrthi'n cyflwyno cynlluniau pontio amlinellol ar y sail hwn ar hyn o bryd.

Rwy'n deall bod y broses o gynllunio ar gyfer cyfnod pontio 2017-18 yn un ailadroddol, ac yn cydnabod ei bod yn debygol y bydd angen i'r Cyrff Cyflawni Arweiniol wneud newidiadau i'w cynlluniau pontio yn ystod o flwyddyn, a hynny am nifer o resymau, gan gynnwys yr etholiadau llywodraeth leol sydd ar y gorwel.

Yn gywir,



Carl Sargeant AC / AM
Ysgrifennydd y Cabinet dros Gymunedau a Phlant
Cabinet Secretary for Communities and Children

Bae Caerdydd • Cardiff Bay
Caerdydd • Cardiff
CF99 1NA

Canolfan Cyswllt Cyntaf / First Point of Contact Centre:
0300 0604400
Gohebiaeth.Carl.Sargeant@llyw.cymru
Correspondence.Carl.Sargeant@gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.